

Hobennan a presenta un "Festival di Tumberito" na un nivel impresionante



Diabierna anochi a tuma luga e "Festival di Tumberito" pa Carnaval 60, cu a conta cu participantenan cu a demostra un nivel di profesionalismo impresionante. E comision organizado a keda hopi contento cu e nivel den ambos categoria, tanto infantil como hubenil. E hobennan a presenta Tumberonan di nivel cu por competi cu Tumberonan grandi di Aruba. E All-Star band, bao maneho di "e maestro" Raul Pillar a haci un tremendo trabao. Nan ta profesionalnan hoben cu amor pa musica y disciplina. Loke sigur a duna su frutonan tabata cu e hobennan tabatin e oportunidad pa ensaya na tempo y manera mester ta, esaki a refleha den e nivel di e presentacionnan, cual e comision organisador di Tumberito trahando cu Stichting Arubaanse Carnaval (SAC)

a keda hopi contento cune. Pa e celebracion di Carnaval 60, SAC a ricibi un bon contribucion for di Departamento di Cultura pa por otorga dos premio special extra, cual ta e premionan di motivacion pa e miho areglista y pa e miho compositor. Tur dos titulo a bay pa Jersey Isenia, kende a percura den forma consistente pa tur cos ta entrega na tempo segun regla, hasta tempran y tambe a cumpli bon cu su cantantenan. SAC ta orguyoso y satisfecho pa anuncia e ganadonan di Festival di Tumberito 2014, den categoria di Tumba Infantil ta Tahira Wever (ganado), Xenon Daal (di 2 luga), Sandy Loeftop (di 3 luga), Priscilla Quant (di 4 luga) y Ashanti Martes (di 5 luga). Den e categoria di Tumba Hubenil e ganadonan ta Francienne Vos (ganado),

kende a retene su titulo, sigui pa Mary Jane Vrolijk (di 2 luga), Jilleen Wester (di 3 luga), Ashanti Rodriguez (di 4 luga) y Ethleen Semerel (di 5 luga). "Rookie of the Year" a bay pa Sandy Loeftop, kende tabatin hopi curashi di subi escenario y duna un presentacion cu tabata muestra manera cu ta tur dia e ta presenta pa un publico grandi. Den e categoria di Hubenil no tabatin "Rookie". Ascoge tambe e cantantenan mas popular, cual titulonon a bay pa Tahira Wever (Infantil) y Mary Jane Vrolijk (Hubenil). E hobennan cu a presenta e disfrazan mas bunita tambe a ricibi premio, cual a bay pa Ashanti Martes (Infantil) y Mary Jane Vrolijk (Hubenil). SAC y e comision organisador ta gradici y felicita tur patrocinador y participante pa un bunita Festival di Tum-



berito. Cu contribucion di tur hende por sigui engrandecere y profesionalisa e festival aki y crea e Tumberonan grandi di futuro.